



ALTERNATIV DEMOKRATESCH
REFORMPARTEI

Groupe parlementaire

Här Mars di Bartolomeo
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 9. Mäerz 2018

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Justizminister an den Här Minister fir bannenzeg Sécherheet weiderzeleeden.

Zu Lëtzebuerg geréieren net nëmmen d'Giischercher de Gefaangenentransport mee och d'Beamte vun der Police Grand-Ducale. D'Erfahrung weist, datt d'Prisonéier eng méi feindséileg Relatioun géintiwier dem Police-Beamten hunn, ewéi géintiwier dem Giichtjen. An deem Sënn kënn et beim Gefaangenentransport méi dacks zu Konflikter, wa Poliziste bedeelegt sinn. All dës Ëmstänn féieren zu enger onverhältnisméisiger Belaaschtung vun der Police Grand-Ducale. Am Kontext vum geplangte Prisong zu Suessem wäert een och beim Gefaangenentransport e substantielle Plus u Personal brauchen, esou datt sech déi beschriwwen Problematik nach verschäerfe wäert.

An deem Kontext géif ech den Hären Ministeren gär dës Fro stellen:

1. Leien dem Här Minister Previsiounen vir, wéivill Leit an Zukunft fir den Gefaangenentransport gebraucht ginn?
2. Ass d'Regierung wëlles, dës Aufgab an Zukunft op eng eenzeg Verwaltung ze iwwerdreen an, wa jo, wéi eng Verwaltung soll dat sinn?
3. Wat fir Konsequenzen wäert dës hunn op d'Personal vun där spezifescher Verwaltung?
4. Ass an Zukunft virgesinn, datt d'Magistraten sech fir den Austausch mam Prisonéier méi dacks an de Prisong deplacéieren, fir esou den ëmständlechen Gefaangenentransport kënnen ze reduzéieren?

5. Si vun der Regierung Mesuren envisagéiert, fir d'Organisatioun vum Gefaangentransport ze rationaliséieren an ze optimiséieren an, wa jo, wéi gesinn dës Mesuren aus?

Mat déiwem Respekt,

A handwritten signature in black ink, consisting of a stylized 'F' followed by a long, sweeping horizontal line that curves upwards at the end.

Fernand Kartheiser
Deputéierten